



Inatsisartuni ilaasortat

UPA 2016/142-p oqallisigineqarneranut atatillugu Inatsisartunut ilisimatitsissut

Brevdato: 24-05-2016

Sags nr.2016 - 5882

Dok. nr. 10474552

Asasakka Inatsisartuni ilaasortat

Inatsisartuni ilaasortat tamaasa UPA 2016/142 Upernaakkut 2017-mi ataatsimiinnissamut ilaqutariit pissakinnerusut akunnattumillu aningaasarsiallit nammineerlutik illutaarsinnaanerit pillugu Naalakkersuisut suliniuteqaqqullugit inatsisartut aalajangiiffigisasattut siunnersuutip siullermeerneqarnerani oqallilluarnerannut qutsavigaakka.

Postboks 909

3900 Nuuk

Tlf.: (+299) 34 50 00

Fax: (+299) 32 52 86

E-mail: isan@nanoq.gl

www.naalakkersuisut.gl

Oqallinneq soqutiginneqalunga malinnaaffigaara, tassanilu apeqqutinik oqaaseqaatinillu arlalinnik saqqummertoqarpoq.

Inaarutaasumik oqaaseqarninni ilisimatitsissutigaaara, apeqqutit aalajangersimasut marlussuit sukumiinerusumik misissuiffiginiarlugit.

Apeqqutigineqartut ilagaat "attartortumiit piginnittumut" suliat, tassanilu attartortut inissiat najukkatik pisiarisimavaat, aammalu akilersuinissamut periarfissaqartitsisoqarpoq. Tamanna 2010-miit 2011-mut oqaasertaliusaaq una tunngavigalugu periarfissaqartinneqarpoq:

"Attartortup ilaqutariinnut illumik imaluunniit illumik marloqiusaasumik pisineranut atatillugu pisiap akiata 195.000 koruunit qaangersimappagit, kiisalu attartortoq aningaaserivimmit atornissamut iluatsitsisimangippat, tapersiinissamik Naalakkersuisut pisinnaatinneqarput. Ilanngullugu pisineranut atatillugu piumasaqaataavoq attartortoq attartornermit pissutsinik tunngaveqartumik akiitsoqannginnissaa. Tapersiineq attartornertut tunniunneqassaaq, ukiumut 8 procentimik ernialersorneqassaaq erniarlu qaammatikkuutaartumik nalunaarsorneqartassaaq. Attartugaq aalajangersimasumik annertussusilimmik taarsersorneqassaaq. Taarsersuinissamut piffissarititap ukiut tallimat qaangissanngilaa, annertussusissaa aalajangiunneqartassaaq qaammammut tapiissutit tamarmiusut 4.000 koruunit ataatinngippagit."

Oqaasertaliusaaq matuma siulianiittoq tunngavigalugu 2010-2011-mi attartortut 25-t inissiat najukkatik "attartortumiit piginnittumut" aaqjissuussineq malillugu pisiaraat.

Pisinerit illoqarfinnut ukununnga agguarlugit imaapput:

Nanortalik	2
Narsaq	1
Paamiut	1
Aasiaat	1
Qasigiannugit	5
Qeqertarsuaq	4
Uummannaq	5
Upernavik	4
Tasiilaq	2
	25

Illuutilinnit 25-iusunit taakkunannga tallimat, immikkoortup siullermeerneqarnerani akisuteqaammi aamma ilisimatitsissutigineqartutut, inissiat najukkatik pinngitsaalliissummik tunisariaqarsinnaavaat. Matuma kinguliani attartortut inissianik najukkaminnik pisinnginnerini ineqarnermut akiliutip isikkorisimasaa, kiisalu qaammammut akiliutaasa isikkuat, pisinermilu akiusup qanoq annertutigisimanera takussutissiorneqarpoq. Kiisalu inissianit tunineqartunit 25-nit taakkunannga akit 60.000 koruuniniit 195.000 koruuninut allanngorsimasut ilisimatitsissutigineqarsinnaavoq.

Pisinermi ineqarnermut	Akilersuinermi	Pisinermi
akiliut:	qaammammut akiliut	akiusoq
7.754,00	4.067,95	80.000,00
4.467,00	4.187,85	75.000,00
4.273,00	4.079,35	150.000,00
4.174,00	4.188,72	80.000,00
6.281,00	4.000,00	60.000,00

2010-mi aamma 2011-mi pisutut Inatsisartut 2016-imi kontomut pingaarnermut 72.06.51 Inissianik tunisineq, oqaasertaliussassamik aalajangiipput, imatut oqaasertaqartumik:

”Naalakkersuisut kommunillu piginnaatinneqarput ilaqutariinnut ataasiakkaanut inissiat iniallu affarleriaat attartortunut toqqaannartumik akiliuteqartitsinikkut pisiaritissallugit. Piginnaatitsineq taamaallaat atuuppoq illup tunitsivimmi nalinga 275.000 koruunit ataappagit. Attartortut akigitinneqartoq toqqaannartumik akilersinnaanngippassuk qaammagini 60-ini sivilunerunngitsumik akilersuinissamik isumaqatigiissusiortoqarsinnaavoq. Erniaqartitsisoqassanngilaq akiliuteqartitsisoqassanilu.”

Kiisalu ilisimatitsissutigisinnaavara, sooq Kangersuatsiami illu ataaseq tunineqarsinnaasimanginnersoq attartortinneqarsinnaasimanginnerlorluunniit sukumiisumik misissuiffiginaraku. Namminersorlutik Oqartussat Kangersuatsiami illumik tuniniagaqarnerisut Naalakkersuisut ilisimangilaat.

Namineerluni illuliat aamma illut sanaqataaffiusut misissoqqissaaqqinneqartariaqartut Naalakkersuisut isumaqataapput, aaqqissuussineq kingullermik inissialiornermut, illunut

ataatsimoorussanut, illuliassanut il.il. tapersiissuteqartarneq pillugu Inatsisartut peqqusutaata nr. 11-p, 19. november 2007-imeersup akuersissutigineqarneranut atatillugu naliiiffigineqarmat.

Inussiarnersumik inuulluaqqusillunga



Knud Kristiansen